

1. Le o texto que segue e responde ás preguntas que se propoñen:

Non resulta difícil afirmar que presenciamos un crecente interese por parte da antropoloxía e doutras disciplinas sociais polo tema das identidades socioculturais. A discusión sobre o tema reconece cada vez máis –a pesar de opinións contrarias– que estas máis que ser estáticas e tender á homoxeneización, teñen unha tendencia cara a súa reestructuración e recomposición permanentes. Este proceso dáse normalmente a través de mecanismos que implican préstamos ou reapropiación de elementos de organización social e cultural que teñen con frecuencia unha orixe externa ós grupos humanos que se estudian. Os préstamos culturais provintes do exterior atópanse a base da constitución de grupos discretos e quizais na actualidade, a particularidade destes procesos radica na súa multiplicación e na súa conseqüente complexidade no contexto da fase actual do proceso de globalización.

Ricardo Téllez-Girón López “Antropología, identidades y globalización” en
Elementos, nº 45, vol.9, marzo-maio 2002

Cuestións:

- a) Cal é segundo o autor a opinión común dos investigadores á hora de considerar o tema das identidades?
- b) Hai algo de especial no proceso de creación de identidades no actual proceso de globalización
- c) Sinala outros temas de interese para antropoloxía no contexto de globalización.

2. Explica a orixe dos termos “desenvolvemento”, “subdesenvolvemento”, “primeiro mundo”, “terceiro Mundo” e Norte e Sul.

SOLUCIÓN

Solucións:

- a) Que as identidades máis que ser estáticas e tender á homoxeneización, teñen unha tendencia cara a súa reestructuración e recomposición permanentes
- b) Que estes procesos se multiplican e son máis complexos.
- c) Os procesos de socialización e os procesos asociados ás migracións.

Solucións exercicio 3:

O concepto de “desenvolvemento” e “subdesenvolvemento” foi lanzado internacionalmente polo presidente norteamericano Truman no ano 1949. Medindo a riqueza dos países desde os parámetros norteamericanos estes conceptos serviron para categorizar a áreas de poboación que sumaban 2000 millóns de persoas en “subdesenvolvidas” e para conceptualizar como destino desexable para todas as rexións do planeta o modelo económico americano.

Pouco despois, en plena guerra fría, acuñáronse os termos ‘Primeiro Mundo’ (Occidente capitalista), ‘Segundo Mundo’ (países socialistas) e ‘Terceiro Mundo’ (o resto). Aínda que nun primeiro momento esta categorización era tamén política co tempo adquiriu unicamente un sentido económico. A noción Terceiro Mundo designaba as áreas subdesenvolvidas, pobres, do planeta. Incluía máis de cen estados e tres cuartas partes da poboación mundial. Os principais compoñentes do terceiro mundo eran, por suposto, as antigas colonias das potencias europeas: Latinoamérica, África, as illas do Pacífico e Asia (excepto Xapón e Israel).

En 1977, co respaldo do Banco Mundial e das Nacións Unidas, creouse a *Comisión Brandt* para abordar os temas do desenvolvemento internacional e en 1980 esta comisión popularizou os conceptos ‘Norte’ e ‘Sul’ para referirse á distribución xeográfica e asimétrica da riqueza mundial.